

SULIFFEQARFIIT AANNGAJAARNIUTIT PINNGUAATILLU PILLUGIT SULINIUTEQARNERANNUT NAJOQQUTASSIAQ - NAALISAGAQ

Siliffimmi aanngajaarniutit pillugit politikki

Suliffeqarfinni aanngajaarniutit pinnguaatillu ammasumik oqaluuserineqarnissaannut isumassarsitinnissaat najoqqutassiami matu-mani siunertaavoq. Ajornartorsiutit aanngajaarniutinut tunngasut suliertunngitsoornerit annertunerunerannik, suliat pitsaassusaasa appasinnerunerannik, sullivimmi ajoqusernerit amerlanerunerannik immaqalu tusaamanerlugaanermik suliffik artukkerneqartarpoq.

” *Aanngajaarniutit pillugit pitsaasumik politikkeqarnikkut ajornartorsiutit isertukkat annertusiartuinnarsinnaajunnaarlugit pilertortumik iliuuseqartoqarnissaa qulakkeerneqarsinnaavoq.* ”

Qanoq ililluta aanngajaarniutit pillugit pitsaasumik politikkeqalissaagut?

Aanngajaarniutit pillugit politikki pitsaasoq tassaavoq ilissi nammineq aalajangersagarsi ulluinnarnilu maleruagarsi. Aanngajaarniutit pillugit politikki pitsaasoq tamanit ilisimaneqarlunilu atorneqassaaq.

Suliffeqarfinni amerlasuuni sulinerup nalaani imigassartoqqusaannginneq imal. sulisut imigassartorsinnaanerisa killiliivigineqarnera alloriarnerussaaq siulleq. Pinnguaatimmi hashilu assersuutigalugit qanoq iliuuseqarfigineqassappat?

Ullaakkut ataatsimiinnermi imal. ullup qeqqarnerup nalaani oqallisigisassat:

- Ass. maskiinanik ingerlatsinermik aanngajaarniummik atuinermut tulluutinngitsumik suliaqarpugut?
- Aanngajaarniummik sunnigaasimaneq qanoq paasisarparput? aqagutaarnermi?
- Nalliuttorsiornerni, julefrokostimi assigisaanniluunniit imigassamik sallaasoqarsinnaava?
- Suliffiup nalaani pinnguaatinik pinnguartoqarsinnaava? Ullup qeqqarnermimi? Pinnguaatit suut pinnguaatigin eqarsinnaassappat? Qanoq ilineranni pinnguaatit suliffeqarfimmut ajoqutaasinnaappat? Sulisormi suliffiup nalaani pinnguaatinik pinnguarnermut atatillugu maleruagassanik eqqutitsingippat?
- Hash-imut tunngatillugu akuersaangilluinnarpugut?
- Aanngajaarniutit pillugit politikkip unioqqutinneqarnera qanoq kinguneqartinneqassava?
- Suliffeqarfitta ikiorsiissutit suut sulisuminut neqeroorutigai?
- Atornerluisut pingaarnertut attaviannik sulisoqassaagut? Taassuma suut suliassarai?

Katsorsartinnissamut neqeroorut

Katsorsartinneq akeqanngilaq. Katsorsartinneq Qaqortumi, Nuummi, Sisimiuni 2018-imiillu Avannaani Allorfinni sap.ak. 17-it missaanni ulliinnarluni katsorsartinnertut imal. Katsorsaavik Nuummi sap.ak. arfinillit arfineq pingasullu akornanni Nuummi ulluunerani katsorsartinnertut imal. najukkami katsorsartinnertut ingerlanneqartarpoq. Neqeroorutini taakkunani marlunni sap. ak. 26-ini katsorsartinnerup nanginneqarnissaanut neqerooruteqarpoq.

Katsorsartissagaanni kommunimi sullissisorisamut imal. najukkani allorfinnut saaffiginnittoqassaaq. Taakku pappiaqqanik immersuereerunik Allorfimmut neqeroorummut innersuussisussamut nassiutissavaat.

Sulisussinnut neqeroorutit pillugit sukumiinerusunik paasisaqarusukkusi Allorfimmut oqarasuaatikut:

☎ (+299) 52 53 43

✉ allorfik@allorfik.gl

Paasissutissat sukumiinerusut:

🌐 www.allorfik.gl

EQQAAMASASSATUT NALUNAARSUKKAT – AANNGAJAARNIUTIT PINNGUAATILLU

	AAP	NAAGGA
Aanngajaarniutit pillugit politikkeqareerpugut		
Aanngajaarniutit pillugit politikki tamanut atuuppoq		
Aanngajaarniutit pillugit politikki ukununnga atuutingilaq:		
<p>Aanngajaarniutit pillugit politikki suliffiup nalaat tamaat atuuppoq</p> <ul style="list-style-type: none"> • suliffimmi • suliffeqarfiup biillutaani • sullitanut ornigunnerni • angalanerni 		
<p>Suliffeqarfimmi akuerineqanngilaq:</p> <ul style="list-style-type: none"> • suliffiup nalaani imigassartorneq • aalakoorniluni suliarorneq • aqagutaarluni suliarorneq • suliffiup nalaani hashimik pujortarneq, pisineq tuniniaanerluunniit • hashimik pujortareernermi aasingalluni suliarorneq • suliffeqarfiup qarasaasiai, qarasaasiaq saattoq inussat atorlugit aquttagaq (tablet) oqarasuaataaluunniit angallattakkat atorlugit pinnguaatinik atuineq • suliffeqarfiup qarasaasianut attaviliisuigut (WiFi) pinnguaatinik aallerneq • suliffiup nalaani suliffimmi aningaasanoorneq- biilinissaaq atuuttoq 		
Nalliuttorsiornermi, julefrokosternermi assigisaannilu imigassartornissamut pisortaq immikkut akuersisinnaavoq.		
Atornerluisuunermik pinngitsuuisinnaannginnermilluunniit pasitsaassinnermi pisortaq oqaloqatigiinnissamut qaaqqusisinnaavoq.		
Atornerluinermi pinngitsuuisinnaajunnaarsimanermiluunniit sulisoq napparsimasutut sulinngiffeqartinneqassaaq.		
<p>Suliffeqarfimmit</p> <ul style="list-style-type: none"> • atorfeqavissut katsorsartinnerminni akissasiaqarlutik sulinngiffeqartitaassapput • aalajangersimasumik atorfilluunngitsut katsorsartinnerminni akissarsiaqaratik sulinngiffeqartitaassapput. 		
Suliffik piginnassagaanni sulisoq katsorsartinnissamut pisussaaffeqarpoq.		
Katsorsartinnissamut isumaqatigiissut unioqqutinneqarpat tamanna soraarsitaanermik kinguneqarsinnaavoq.		